

Adroddiad Arolygu Gofal Plant ar gyfer

Heulwen Jones

Cilgerran



Dyddiad Cyhoeddi

5 Chwefror 2019

Llywodraeth Cymru © Hawlfraint y Goron 2018.

Cewch ddefnyddio ac aildefnyddio'r wybodaeth sydd yn y cyhoeddiad hwn (ac eithrio logos) yn ddi-dâl, mewn unrhyw fformat neu gyfrwng, o dan delerau'r Drwydded Llywodraeth Agored. Gallwch weld y Drwydded Llywodraeth Agored ar wefan yr Archifau Gwladol, neu gallwch ysgrifennu at The Information Policy Team, The National Archives, Kew, London, TW9 4DU, neu anfon e-bost at: psi@nationalarchives.gsi.gov.uk Rhaid i chi atgynhychu ein deunydd yn fanwl gywir a pheidio â'i ddefnyddio mewn cyd-destun camarweiniol.

Disgrifiad o'r gwasanaeth

Mae Heulwen Jones wedi'i chofrestru ers 2008 ac mae'n gweithredu o gartref ei merch yng Nghilgerran, Aberteifi. Mae'n gweithio mewn partneriaeth â gwarchodwr plant cofrestredig arall, Stephanie De'ath. Mae'n darparu gofal i hyd at ddeg plentyn o dan 12 oed ar y cyd â Stephanie De'ath. Mae ar agor rhwng 7am a 7pm o ddydd Llun i ddydd Gwener. Mae'r gofal yn cael ei gynnis yn Gymraeg a Saesneg.

Crynodeb o'n canfyddiadau

1. Asesiad cyffredinol

Mae'r plant yn mwynhau ystod eang o weithgareddau diddorol. Maent yn hapus, wedi setlo'n dda ac mae ganddynt lais cryf. Mae'r plant yn cael budd o warchodwr plant sy'n garedig, yn amyneddgar ac yn addfwyn. Mae'r amgylchedd yn ddiogel, yn lân ac yn gyfforddus. Mae gan y gwarchodwr plant ddigon o sgiliau gweinyddol ac mae ei dogfennau a'i chofnodion yn briodol.

2. Gwelliannau

Mae'r gwarchodwr plant wedi;

- creu grisiau pren â chanllawiau fel y gall y plant gael mynediad i'r trampolîn;
- prynu cyfarpar newydd i'r ardd gan gynnwys siglen;
- prynu bygi dwbl newydd
- adeiladu sied yn yr ardd i gadw'r teganau a'r cyfarpar

3. Gofynion ac argymhellion

Gwnaethom rai argymhellion mewn perthynas â'r datganiad o ddiben a hyfforddiant. Mae'r rhain wedi'u nodi yng nghefn yr adroddiad yn adran 5:2.

1. Llesiant

Crynodeb

Mae'r plant wedi setlo'n dda ac wedi datblygu cydberthnasau cadarn â'r gwarchodwr plant. Maent yn dechrau eu chwarae eu hunain ac yn mwynhau eu profiadau chwarae. Mae ganddynt lais cryf ac maent yn mynegi eu hunain mewn ffordd hyderus. Mae'r plant yn rhyngweithio'n dda â phlant eraill.

Ein canfyddiadau

1.1 I ba raddau y mae gan blant lais?

Mae'r plant yn mynegi eu hunain yn hyderus, ac maent yn gwybod y bydd y gwarchodwr plant yn gwrando arnynt.

Roedd y plant yn gwneud penderfyniadau'n barhaus ynglŷn â'u gweithrediadau a'u gweithgareddau. Gwnaethant ddewis beth roeddent am chwarae ag ef ac roeddent yn symud o amgylch yn hyderus i gael gafael ar y teganau o'u dewis. Er enghraifft, roedd y plant yn chwarae gyda theganau Peppa Pig yn fodlon cyn penderfynu eu bod am chwarae â'r doliau a'r bygi. Gwnaethant droi at y gwarchodwr plant a dweud "I'm going shopping. I am going to buy bananas and strawberries." yn hyderus. Gwnaethant ofyn am gymorth pan oedd ei angen arnynt, er enghraifft i fynd i'r toiled. Ni waeth sawl gwaith yr oedd y plentyn yn gofyn am gael mynd i'r toiled, roedd y gwarchodwr plant yn ymateb yn gadarnhaol iddynt ac yn mynd â nhw yno. Roedd y plant yn hyderus y byddai'r staff yn ymateb i'w ceisiadau yn gadarnhaol.

Mae gan y plant lais clir.

1.2 I ba raddau y mae plant yn teimlo'n ddiogel ac yn hapus, a'u bod yn cael eu gwerthfawrogi?

Mae'r plant wedi setlo ac yn teimlo'n gartrefol.

Roedd y plant yn gyfarwydd iawn â'r arferion dyddiol a'r amgylchedd. Roeddent yn gwybod ble i ddod o hyd i adnoddau ac yn mynd ar eu hôl yn annibynnol. Dewisodd y plant jig-sos a dillad chwarae rôl fel y dymument. Sgwrsiodd y plant yn fodlon â'r gwarchodwr plant ynglŷn â'r plant y maent yn hoffi chwarae â nhw yn y gwasanaeth. Gwnaethant ymlacio ar y sofffa wrth gael diod a byrbryd. Gwnaethant ganu i gerddoriaeth Nadoligaidd yn fodlon wrth chwarae. Aeth y plant at y gwarchodwr plant am sicrwydd a chofleidiadau ar sawl achlysur. Gwnaethant eistedd ar lin y gwarchodwr plant yn naturiol wrth iddi eistedd ar y llawr. Maent yn cyfeirio at y gwarchodwr plant fel "Mamgu".

Mae'r plant yn teimlo'n ddiogel iawn ac yn teimlo eu bod yn cael eu gwerthfawrogi.

1.3 Pa mor dda y mae plant yn rhyngweithio?

Mae'r plant yn gartrefol wrth iddynt rhyngweithio.

Archwiliodd y plant ifanc eu hamgylchedd yn hyderus. Chwaraeodd y plant yn gadarnhaol â'i gilydd, gan fwynhau cwmni ei gilydd. Gwnaethant rannu adnoddau'n fodlon wrth chwarae â theganau Peppa Pig. Pan wnaeth plentyn wthio tŷ Peppa Pig i'r llawr ar ddamwain, dywedodd plentyn arall "Let me help you!". Gwnaeth godi'r tŷ o'r llawr a'i osod wrth ymyl ei ffrind. Cymerodd y plant eu tro i fynd â chymeriadau Peppa Pig i fyny grisiau'r tŷ ac i wthio'r ddoli o amgylch yr ystafell mewn bygi. Gwnaethant rannu adnoddau, megis esgidiau a bagiau chwarae rôl.

Mae'r plant yn rhyngweithio'n gadarnhaol.

1.4 I ba raddau y mae plant yn mwynhau chwarae a dysgu?

Mae'r plant yn mwynhau dilyn eu diddordebau eu hunain a chael amser i ymlacio.

Roedd y plant yn archwilio'r amgylchedd yn ddirwystr ac yn mynd i nôl adnoddau'n hyderus yn ôl eu dymuniad, yn ogystal â gofyn i'r gwarchodwr plant am deganau. Gwnaeth y plant chwarae'n ddychmygus am amser hir. Er enghraifft, gwnaethant wisgo esgidiau chwarae rôl, rhoi ffôn symudol, pwrs ac arian yn eu bagiau llaw a mynd â'u doliau i siopa. Gwenodd y plant wrth i'r gwarchodwr plant ddweud, "Waw ! Look at you!" Gwnaethant ofyn am flwch o deganau squigz gan dreulio cryn dipyn o amser yn eu gludo at ei gilydd ac adeiladu strwythurau megis pontydd. Gwnaethant gwblhau nifer o jig-sos mewnosod a rhifau yn annibynnol. Gwenodd y plant yn hapus ac roeddent yn falch iawn ohonynt eu hunain ar ôl cwblhau'r jig-sos.

Mae'r plant yn mwynhau eu chwarae a'u dysgu'n fawr iawn.

1.5 Pa mor dda y mae plant yn datblygu, yn dysgu ac yn dod yn annibynnol?

Mae'r plant yn gwneud cynnydd da ac maent yn hyderus wrth roi cynnig ar weithgareddau newydd.

Cymerodd y plant ran mewn gweithgareddau a oedd yn hyrwyddo eu datblygiad. Er enghraifft, roeddent yn gallu cwblhau jig-sos rhifau. Gwnaeth y plant ifanc gyfrif i ddeg yn hyderus ac enwi anifeiliaid fferm a'r synau roeddent yn eu gwneud. Cawsant gyfleoedd i ymarfer eu sgiliau echddygol manwl â gwaith pensil a chreon yn ogystal â gosod ysgol Peppa i'r gwely bync. Mae'r plant yn mynychu grŵp plant ac mae gwarchodwr plant arall yn dod â'i phlant i'r gwasanaeth er mwyn datblygu eu sgiliau cymdeithasol. Anogwyd y plant i dorchi eu llewys a golchi a sychu eu dwylo yn annibynnol. Maent yn cael cyfle i ymarfer eu sgiliau echddygol manwl yn yr ardd a'r parc lleol, ond ni wnaethom eu gweld yn chwarae yn yr ardd yn ystod ein hymweliad.

Mae'r plant yn cael eu cymell i ddatblygu a dod yn annibynnol.

2. Gofal a Datblygiad

Crynodeb

Mae'r gwarchodwr plant yn rheoli'r rhyngweithio yn bwylllog ac yn arwain drwy esiampl. Mae'n gyfarwydd ag anghenion unigol y plant yn ei gofal ac yn hyrwyddo eu datblygiad. Mae'r gwarchodwr plant yn hyrwyddo ffordd o fyw iach ac yn cadw'r plant yn ddiogel.

Ein canfyddiadau

2.1 Pa mor dda y mae ymarferwyr yn cadw plant yn ddiogel ac yn iach?

Dilynodd y gwarchodwr plant bolisïau a gweithdrefnau diogelwch priodol.

Roedd gan y gwarchodwr plant ddealltwriaeth dda o weithdrefnau amddiffyn plant ac wedi cael yr hyfforddiant diweddaraf. Rhoddodd amlinelliad clir o'i hymateb pe bai ganddi bryderon. Dywedwyd wrthym ei bod yn cynnal ymarferion tân misol ar y cyd â'r gwarchodwr plant yr oedd yn gweithio mewn partneriaeth â hi. Ni wnaethant gofnodi dyddiadau'r ymarferion. Fodd bynnag, roedd y plant yn amlwg yn gyfarwydd â chynnal ymarferion tân pan wnaeth y gwarchodwr ddefnyddio chwiban ar ffurf tegan eliffant fel larwm. Roedd wedi cael yr hyfforddiant cymorth cyntaf pediatrig diweddaraf. Gwnaeth hyrwyddo ffyrdd iach o fyw gan sicrhau bod chwarae yn yr awyr agored yn rhan annatod o'r gwasanaeth yn ogystal ag ymweliadau rheolaidd â'r parc lleol.

Mae'r gwarchodwr plant yn cadw'r plant yn ddiogel ac yn iach bob amser.

2.2 Pa mor dda y mae ymarferwyr yn rheoli'r rhyngweithio?

Mae'r gwarchodwr plant yn rhyngweithio mewn ffordd gyson â'r plant.

Roedd y gwarchodwr plant yn fodel rôl da ac roedd hi'n dyner ac yn amyneddgar gyda'r plant. Eisteddodd ar y llawr gyda'r plant gan sgwrsio â nhw'n rheolaidd ar lefel yr oeddent yn ei deall. Roedd y plant yn ymddwyn yn dda iawn yn ystod ein hymweliad. Roedd y plant yn gwneud ceisiadau mewn ffordd gwrtais ac yn diolch i'r gwarchodwr plant bob amser. Nid oedd un plentyn am dacluso. Eglurodd y gwarchodwr plant yn amyneddgar ac yn bwylllog y byddai darnau o'r jig-so yn mynd ar goll os na fyddai'n tacluso cyn symud ymlaen i'r gweithgaredd nesaf. Ymatebodd y plentyn yn gadarnhaol i'r gwarchodwr plant a gwnaeth helpu i dacluso'r jig-sos. Ymatebodd y gwarchodwr plant yn gadarnhaol i'r plant er enghraifft, pan aeth plentyn i'r toiled dywedodd, "You are so grown up. Well done!"

Mae'r gwarchodwr plant yn rheoli ymddygiad yn gyson ac yn effeithiol.

2.3 Pa mor dda y mae ymarferwyr yn hybu chwarae, dysgu a datblygiad plant, ac yn diwallu eu hanghenion unigol?

Mae'r gwarchodwr plant yn creu awyrgylch meithringar a gofalgar ac mae'n ymateb i anghenion unigol y plant.

Roedd y gwarchodwr plant yn ofalgar ac yn gariadus gyda'r plant yn ei gofal. Roedd holiaduron y rhieni yn cadarnhau hyn. Er enghraifft, roedd yr ymatebion yn cynnwys "We love you!" Roedd y gwarchodwr plant yn adnabod y plant yn dda iawn ac yn ymateb i'w hanghenion. Casglodd wybodaeth am eu hoff a'u cas bethau cyn iddynt ddechrau yn y gwasanaeth. Ymatebodd i gliwiau plant ifanc heb eiriau. Er enghraifft, gwnaeth gydnabod bod siwmpwr wlân yn anesmwytho plentyn ac fe'i newidiodd i ddillad mwy cyfforddus. Sychodd drwynau'r plant yn ôl yr angen. Roedd hi'n ymwybodol o hoffterau'r plant megis dim eisiau gwisgo dillad chwarae rôl. Roedd hi'n cydnabod pryd yr oedd angen i un o'r plant fynd i'r toiled. Gwnaeth drafod hoffterau ac arferion y plant yn ei gofal yn hyderus. Nid oedd yn cadw cofnodion ffurfiol o ddatblygiad y plant. Fodd bynnag, roedd yn gallu trafod anghenion ychwanegol y plant yn ei gofal yn hyderus a'r mesurau a gymerwyd ganddi i'w galluogi i ddefnyddio'r holl adnoddau. Er enghraifft, adeiladodd risiau o bren â chymhorthion a oedd yn arwain at y trampolîn ar y cyd â'r gwarchodwr plant yr oedd yn gweithio gyda hi.

Mae'r gwarchodwr plant yn hyrwyddo chwarae a datblygu plant yn effeithiol ac yn diwallu eu hanghenion unigol.

3. Yr Amgylchedd

Crynodeb

Mae'r gwarchodwr plant yn sicrhau bod y safle yn ddiogel, yn lân ac yn addas i'r plant. Mae'n defnyddio'r heulfan i ofalu am y plant. Gall y plant fynd allan i'r ardd awyr agored amgaaedig fawr.

Ein canfyddiadau

3.1 Pa mor dda y mae arweinwyr yn sicrhau bod yr amgylchedd yn ddiogel?

Mae'r gwarchodwr plant yn cadw'r safle yn ddiogel, yn lân ac yn daclus.

Roedd y safle yn ddiogel gan fod y drws i'r heulfan yn cael ei gadw dan glo ac roedd yr ardd yn gwbl amgaaedig. Roedd y gwarchodwr plant yn cadw cofnod o'r ymwelwyr yn ei dyddiadur. Roedd y safle yn lân, yn gyfforddus ac mewn cyflwr da. Roedd holiaduron y rhieni yn cadarnhau hyn er enghraifft, "House always clean and tidy." Roedd gan y gwarchodwr plant asesiadau risg sylfaenol ar waith ar gyfer yr ardaloedd a ddefnyddir gan y plant. Roedd wedi gosod cyfarpar diogelwch megis giataiau ym mynedfa'r gegin o'r heulfan ac amddiffynnydd tân o amgylch gwresogydd trydanol yn yr heulfan. Roedd hi'n gwirio'r larymau mwg yn aml ac roedd blanced dân wedi'i lleoli ar wal y gegin.

Mae'r gwarchodwr plant yn dilyn gweithdrefnau derbyniol i gadw'r amgylchedd yn ddiogel.

3.2 Pa mor dda y mae arweinwyr yn sicrhau bod yr amgylchedd yn addas?

Mae'r safle yn groesawgar ac mewn cyflwr da.

Roedd digon o le a chyfleusterau ar y safle a gallai'r plant fynd i nôl teganau ac adnoddau'n hawdd. Caiff hyn ei gadarnhau yn holiaduron y rhieni mewn datganiadau megis, "Range of toys is good. Plenty of space for children to play." Roedd y safle yn lân, yn gynnes, yn gyfforddus ac wedi'i addurno'n dda. Roedd y plant yn gallu defnyddio gardd amgaaedig fawr â chyfarpar megis trampolîn, llithren, siglenni, cylch pêl fasedg a theganau reidio. Roedd sied newydd yn cadw adnoddau megis pwll tywod, pêl siglo a bygi dwbl.

Mae'r amgylchedd yn addas iawn i blant sy'n mynychu gwasanaeth gofal plant mewn cartref.

3.3 Pa mor dda y mae arweinwyr yn sicrhau ansawdd yr adnoddau a'r cyfarpar?

Mae'r gwarchodwr plant yn sicrhau bod cyfarpar ac adnoddau addas ar gael i'r plant.

Roedd y teganau yn lân ac mewn cyflwr da. Roedd yr heulfan yn cynnwys amrywiaeth eang o deganau a chyfarpar ar gyfer pob ystod oedran. Gallai'r plant gael gafael ar

adnoddau yn hawdd. Roedd digon o ddeunyddiau ar gael ar gyfer gweithgareddau celf a chrefft. Roedd amrywiaeth eang o gyfarpar ac adnoddau ar gael i chwarae dan do ac yn yr awyr agored. Roedd y gwarchodwr plant yn glanhau'r teganau yn rheolaidd ac yn gosod teganau newydd yn lle'r rhai a oedd wedi torri. Roedd y cyfarpar megis cadeiriau uchel, matiau newid a stepiau i gael mynediad i'r toiled a'r sinc mewn cyflwr da. Roedd cyfarpar megis potiau a byrddau bygis ar gael ac yn cael eu defnyddio yn ôl yr angen.

Mae'r gwarchodwr plant bob amser yn sicrhau bod yr adnoddau a'r cyfarpar o ansawdd da.

4. Arwain a Rheoli

Crynodeb

Mae'r gwarchodwr plant yn amlwg yn mwynhau gofalu am y plant. Yn gyffredinol, mae'n cadw'r holl gofnodion a dogfennau gofynnol ac mae ganddi sgiliau trefnu da. Mae ganddi bartneriaethau da â'r rhieni.

Ein canfyddiadau

4.1 Pa mor effeithiol yw'r arweinyddiaeth?

Mae gan y gwarchodwr plant ddigon o gofnodion sy'n cydymffurfio â'r safonau gofynnol cenedlaethol ar gyfer gofal plant rheoleiddiedig i blant hyd at 12 oed, megis polisïau a gweithdrefnau a chofnodion amrywiol o'r plant. Er hyn, nodwyd meysydd i'w gwella.

Roedd gan y gwarchodwr plant ddatganiad o ddiben a oedd yn cynnwys y wybodaeth ofynnol i fodloni'r rheoliadau, ond nid oedd yn gyfredol. Mae'r gwarchodwr plant yn gweithredu o gartref ei merch bellach, yn hytrach na'i chartref ei hun, a dylai'r datganiad o ddiben adlewyrchu hyn. Gwnaeth y rhieni gadarnhau yn yr holiaduron eu bod yn hapus â'r wybodaeth y maent yn ei chael am y gwasanaeth. Roedd yr holl gofnodion a dogfennau gofynnol ar gael. Roedd y gwarchodwr plant wedi cael yr holl ffurflenni angenrheidiol gan y rhieni, fel gwybodaeth bersonol, contractau a llofnodion ar ffurflenni damweiniau a digwyddiadau. Roedd gan y gwarchodwr plant amrywiaeth o bolisïau a gweithdrefnau a oedd yn canolbwyntio ar ddiwallu anghenion y plant yn ei gofal, fel polisi amddiffyn plant a rheoli ymddygiad cadarnhaol.

Mae'r arweinyddiaeth yn ddigonol.

4.2 Pa mor effeithiol yw'r gwaith o hunanwerthuso a chynllunio ar gyfer gwella?

Mae gan y gwarchodwr plant systemau i adolygu ei gwasanaeth ac mae'n gwerthfawrogi adborth gan y rhieni a'r plant.

Roedd y gwarchodwr plant wedi rhoi holiaduron i'r rhieni yn gofyn am eu hadborth ar y gwasanaeth. Roedd yr adborth gan y rhieni yn gadarnhaol. Roedd holiaduron y plant yn nodi eu bod yn mwynhau chwarae yn yr ardd ar y trampolîn, chwarae pêl-droed a threulio amser gyda'i ffrindiau. Roedd ansawdd y gofal yn nodi gwelliannau megis adeiladu sied i gadw teganau, adeiladu grisiau sy'n arwain at y trampolîn i alluogi pob plentyn i ddefnyddio'r trampolîn, ni waeth pa fath o anabledd sydd ganddynt, a bygi dwbl newydd.

Mae'r gwarchodwr plant yn gwerthuso ei gwasanaeth yn briodol.

4.3 Pa mor effeithiol y mae ymarferwyr, staff ac adnoddau eraill yn cael eu rheoli?

Mae gan y gwarchodwr plant gymwysterau gofal plant priodol.

Roedd y gwarchodwr plant wedi ymgymryd â'r hyfforddiant diweddaraf o ran diogelwch a chymorth cyntaf pediatrig, ond roedd ei thystysgrif diogelwch bwyd wedi dod i ben. Roedd ganddi dystysgrif yswiriant atebolrwydd cyhoeddus dilys ar y cyd â'i merch. Roedd ganddi wiriad cyfredol gan y Gwasanaeth Datgelu a Gwahardd (DBS) yn ogystal â phob oedolyn yn y cartref.

Mae'r gwarchodwr plant yn rheoli ei busnes yn briodol.

4.4 Pa mor effeithiol yw partneriaethau?

Mae'r gwarchodwr plant yn gweithio'n agos gyda'r rhieni, gwarchodwyr plant eraill ac yn mynd i grwpiau plant bach yn y gymuned.

Roedd ganddi gydberthynas waith gadarnhaol â'r rhieni ac yn rhoi adborth ar lafar yn ddyddiol. Cydweithiodd y gwarchodwr plant â gwarchodwr plant arall gan rannu arfer da. Roedd gwarchodwr plant arall yn ymweld â'r gwasanaeth unwaith yr wythnos er mwyn galluogi'r plant i gymdeithasu a chymryd rhan mewn gweithgareddau crefft. Aeth y gwarchodwr plant â'r plant i grwpiau plant yn y gymuned yn rheolaidd er mwyn sicrhau eu bod yn parhau i fod yn rhan o'r gymuned.

Mae'r gwarchodwr plant wedi meithrin partneriaeth gadarnhaol â'r rhieni a'r gymuned ehangach.

5. Gwelliannau sydd eu hangen ac a argymhellir yn dilyn yr arolygiad hwn

5.1 Meysydd o ddiffyg cydymffurfio a nodwyd mewn arolygiadau blaenorol

Dim

5.2 Argymhellion ar gyfer gwella

Argymhellwn y dylai'r gwarchodwr plant wneud y canlynol;

- diweddarau ei datganiad o ddiben er mwyn adlewyrchu'r ffaith ei bod yn gweithio o gartref ei merch
- ymgymryd â hyfforddiant mewn hylendid bwyd

6. Sut y gwnaethom gynnal yr arolygiad hwn

Roedd hwn yn arolygiad llawn a gynhaliwyd fel rhan o'n rhaglen arferol o arolygiadau. Rhoddwyd cyfnod byr o rybudd i'r gwarchodwr plant er mwyn gwirio ei bod ar gael.

Ymwelodd un arolygydd â'r gwasanaeth ar 14 Rhagfyr 2018 am gyfanswm o 4 awr. Rhoddwyd adborth dros y ffôn yn ddiweddarach. Gwnaethom:

- archwilio sampl o ddogfennau a pholisïau;
- arsylwi ar arferion; a
- siarad â'r plant a'r gwarchodwyr plant

Ceir gwybodaeth bellach am yr hyn rydym yn ei wneud ar ein gwefan:
www.arolygiaethgofal.cymru

Ynglŷn â'r gwasanaeth

Y math o ofal a ddarperir	Gwarchodwr Plant
Person Cofrestredig	Heulwen Jones
Uchafswm y lleoedd a gofrestrwyd	10 ar y cyd â'r gwarchodwr plant, Stephanie De'ath
Ystod oedran y plant	0-12 oed
Oriau agor	Rhwng 7am a 7pm o ddydd Llun i ddydd Gwener
Iaith weithredol y gwasanaeth	Y ddwy
Dyddiad arolygiad blaenorol Arolygiaeth Gofal Cymru	28 Mai 2015
Dyddiad yr ymweliad arolygu hwn	14 Rhagfyr 2018
A yw hwn yn wasanaeth Dechrau'n Deg?	Nac ydy
A yw'r gwasanaeth yn darparu addysg blynyddoedd cynnar ar gyfer plant tair a phedair oed?	Nac ydy
A yw'r gwasanaeth hwn yn darparu'r cynnig rhagweithiol ar gyfer y Gymraeg?	Ydy. Mae hwn yn wasanaeth sy'n darparu'r "Cynnig Rhagweithiol" ar gyfer y Gymraeg. Mae'n darparu gwasanaeth sy'n rhagweld, yn nodi ac yn diwallu anghenion y Gymraeg ac anghenion diwylliannol pobl sy'n defnyddio'r gwasanaeth, neu a all ei ddefnyddio.
Gwybodaeth Ychwanegol:	